



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita P. Ignatii Loiolae, Qui religionem Clericorum Societatis Iesv instituit

Ribadeneyra, Pedro de

Coloniæ Agrippinæ, 1602

Vrbem ingreditur: in Casinate monte animam socii cælum intrantem videt.
XII.

urn:nbn:de:hbz:466:1-45323

tim referre; sed ne longior sim, facere
prætermitto.

VRBEM INGREDITVR: IN CA-

*sinate monte animam socij cælum
intransem videt.*

CAPVT XII.

Romam ingressus, omnia collu-
strare animo attentè cœpit, om-
nia circūspicere: in primis q̄; ad
omnes diaboli impet^o sustinēdos sese
comparare. Prospexit enim, magnam
sibi suisq̄; impendere tempestatem,
Quapropter socijs aliquando, Clausos
omnes, inquit, adit^o video: magna quē-
dam periculosi temporis procella no-
bis parata est; sed Iesu nitimur; ille no-
bis propitius erit. Paulò pōst, explora-
ta sociorum Ignatij doctrina, iussi à
summo Pontifice sunt publicè sacras
litteras profiteri; In Sapientiæ igitur
gymnasio Faber reconditos multipli-
cesque scripturæ sacræ sensus enuclea-
bat: Laines eius Theologiæ quæstio-
nes explicabat, quæ via ac ratione plus
vtilitur: vterque eruditè & grauitè suo
munere fūgebatur. Ignatij cōmouēdi
hōmines, & ad cælestia rapiendi cura
erat. Quocircà D. Ortizium (cuius
suprà mentionem fecimus) virum gra-
uissi-

uissimum eruditissimumque magno consilio aggressus est. Quem à se olim alienum postea minus abhorrentem, ita sibi deuinxit, & consuetudine obligauit, ut homo id ætatis, maximaque existimatione, negocium publicum gerens, erudiri se ab Ignatio cuperet, exercitationumque spiritualium doctrinam, ijs rebus omnibus antiquiorem duceret: quibus se omnino exponendum dedere, ad Ignatij arbitrium constituit. Sed ut liberior esset, magisque ab interpellatoribus vacuus, Roma in Montem Casinatem, locum in primis diui Benedicti vita & sepultura nobilitatum, & ipsa loci religione ac solitudine ad diuinam contemplationem maximè appositum, aliquantisper secedendum sibi existimauit, ibi per quadraginta dies ab Ignatio eruditus est: eosque progressus fecit in celesti doctrina, veraque cognitione sui, ut nouam quandam Theologiam, & sibi hactenus inauditam, se profiteretur didicisse: eamque longè anteferre ei eruditioni, quam summo tot annorum studio sibi peperisset. Permultum quippe dicebat interesse, comitari, ut alios doceas, & meditari, ut ipse facias: quod illud mentem illuminet, hoc etiam

tiam

tiam voluntatem inflammet. Quapropter magnum ab Ignatio beneficium se accepisse semper iudicauit, & præ se etiam tulit: & ut gratiam referret, summus postea Societatis & amicus, & defensor fuit. Dum in Monte Casinate Ignatius est, Hozius (cui Patavium vna cum Ioanne Codurio prouinciam obtigisse diximus) excessit è vita, consummatusque in breui, expleuit tempora multa. Qui cum viuus, nigellus esset ac deformis, tantum decoris eius mortui ori, splendorisq; additum est, ut animum Codurii satiare illius non posset aspectu, nullum intueniendi illum finem faceret; magna animi lætitia lacrymarumque abundantia. Huius mortem multò antè Ignatij animus diuinabat, qui etiam in Monte Casinate, vbi Diuus Benedictus vidit Germani Capuani Episcopi animam in sphaera ignea ab Angelis in cælum ferri, ipse & animam illius clarissima luce circumfusam, in cælumque penetrantem vidit, & animam Hozij esse cognouit. Deinde etiam cum rei sacræ daret operam, & in generali confessione (quæ ante Missam præmittitur) ad illa verba peruenisset (& omnibus sanctis) magnum sanctorum numerum fulgentem

Sap. 4.

*D. Greg.
2. li. dial.
cap. 35.*

tem gloria, ante oculos positum vidit inter quos & Hozius aderat, splendidiore quàm reliqui, habitu, gloriaque multo illustriore, non quòd sanctior ille cæteris, aut beator esset: sed quòd Deus gloriam hominis, per insigniorem hanc formam, compertam Ignatio (vt ipsemet referebat) testatamque esse voluisset. Qua ex re, tanta animi lætitia completus, eius animus est, vt per multos dies suauissimum ex recollectione fletum reprimere non posset.

*ROMAE SIMVL OMNES DE
Societate constituenda deliberant.*

CAPVT XIII.

Commotis populis, apud quos vixerant, & ciuitatibus ad pietatẽ incitatis, ad mediam Quadragesimam anno 1538. Romam Patres omnes ad Ignatium conueniunt: in domum, vineamque Quirini Garzonij, pij viri, quæ non procul à sanctissimæ Trinitatis Minimorum Cœnobio sita est, diuertunt: ibi magna egestate, pane in diem quæsito, viuunt: concionari deinde incipiunt: Ignatius Hispanicè in templo beatæ Marię Montis Ser-

ran